

大清會典卷之五十九

禮部二十

淺草文庫

廟祀

國家孝享之禮。最為宏備。

郊壇大祀之崇配。已具載於前。

太廟有四孟之時享。歲除之禘祭。至

奉先殿歲時有薦。朔望有祭。並列於後。而上諡號及升

祔之儀。亦詳著焉

廟號

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后

太祖承天廣運聖德神功肇紀立極仁孝睿武弘文定

業高皇帝

孝慈昭憲敬順慶顯承天輔聖高皇后

太宗應天興國弘德彰武寬溫仁聖睿孝隆道顯功文

皇帝

孝端正敬仁懿莊敏輔天協聖文皇后

孝莊仁宣誠憲端懿翊天啓聖文皇后

世祖體天隆運英睿欽文大德弘功至仁純孝章皇帝

孝康慈和莊懿恭惠崇天育聖章皇后

後殿奉安

肇祖原皇帝

原皇后神位中一室。正設南向。

興祖直皇帝

直皇后神位左一室。正設南向。

景祖翼皇帝

翼皇后神位右一室。正設南向。

顯祖宣皇帝

宣皇后神位左二室。正設南向。

中殿奉安

太祖高皇帝

高皇后神位中一室。正設南向。

太宗文皇帝

孝端文皇后

孝莊文皇后神位左一室。正設南向。

世祖章皇帝

章皇后神位右一室。正設南向。○凡几席牀榻衾褥揮

旒篋筥帷幔器皿之屬。皆備。如事生之儀

東廡配位自北起

多羅通達郡王順治十一年設位配享

武功郡王崇德元年設位配享

多羅慧哲郡王順治十一年設位配享

多羅宣獻郡王順治十一年設位配享

西廡配位自北起

直義公蜚英東崇德元年設位配享

弘毅公額亦都

崇德元年  
設位配享

武勳王楊骨利

順治元年  
設位配享

忠義公兔爾格

順治九年  
設位配享

昭勳公圖賴

順治九年  
設位配享

**時享**

崇德元年。行告祭

太廟禮。定四孟祭享。併每月薦新。每歲清明。中元。歲除

日。

聖誕日。忌辰。俱於

太廟致祭

順治元年定。每歲孟春。於正月初旬。孟夏孟秋

孟冬。俱於朔日。行時享禮於

太廟。歲除致祭。共為五享。如孟春祭日。遇

祈穀壇齋戒期內。

皇上詣

太廟。駕出還官。俱不作樂。○四年定。歲除。前一日致祭。

大建在二十九日。小建在二十八日。行禮

一前期二日。禮部官進齋戒牌銅人於

武英殿安設。

皇上致齋三日。○是日。各衙門俱設齋戒牌

皇上一前期二日。禮部恭寫祝文。送內院。恭填御名。

一前期一日。內院官捧祝文。至

太和殿。奏請

上御殿視祝文。

一前期一日。禮部堂官監宰牲。

一正祭日早。禮部太常寺官。詣神庫祝帛案前。

捧起祝帛。由中門入。設祝文於

前殿西旁案上。設帛於西旁案上。

一正祭日早。捧

神位大臣進

後殿。各一跪三叩頭。都統恭捧

太祖神位。覺羅尙書恭捧

武皇后神位。大學士恭捧

太宗神位。至

前殿。奉安

太祖

武皇后神位於正中。

太宗神位於東旁。各一跪三叩頭。退

一正祭日。

太祖

武皇后前陳設牛一。羊一。豕一。鹿兔各色供物。

太宗前陳設同。功臣每位前。設羊一。豕一。鹿兔各色供

物。

一正祭日早。鹵簿儀仗大駕。全設於

午門外。貝子以下。文武陪祀各官。先進

太廟兩旁門。分翼排立。不陪祀各官。在

午門外兩旁排立。大學士奏請

皇上出宮陞輦。王貝勒等內大臣侍衛俱隨後。至

午門外。不陪祀各官立候過。不作樂。

上進

太廟門降輦。導引官導

上由東旁門入。盥洗畢。導

上陞東階。進殿東旁門。正中北向立。王貝勒貝子公

等。外藩王貝勒貝子等。在臺階上排立。內大臣

分獻官。及文武各官。在臺階下排立。典儀唱執

事官各司其事。唱迎神。協律郎在大門舉麾作

樂。贊引官奏進。

上進立拜位。奏跪叩。

上行三跪九叩頭禮。興。王以下各官及分獻官。俱隨



行禮畢。樂止。典儀唱奠帛。行初獻禮。協律郎舉麾作樂。獻帛官。獻爵官。各由中道。次第詣

神位前供獻畢。俱一跪三叩頭退。分獻官亦詣功臣位

前。獻帛獻爵畢。樂止。贊引官奏跪。

上跪。王以下各官分獻官俱跪。贊引官贊讀祝。讀祝

官詣祝案前。一跪三叩頭。捧祝文。在案左跪讀

畢。仍捧至

神位前。跪安帛匣上。二叩頭退。樂作。贊引官奏叩興。

上行三叩頭禮。興。王以下各官及分獻官俱隨行禮

畢。樂止。典儀唱行亞獻禮。協律郎舉麾作樂。獻

爵官照前供獻。分獻官亦獻爵畢。樂止。典儀唱

行終獻禮。協律郎舉麾作樂。獻爵官照前供獻。

分獻官亦獻爵畢。樂止。典儀唱賜福胙。贊引官

奏跪。

上跪。捧酒官跪進。

上受爵拱舉。授接爵官。捧胙官跪進。

上受胙拱舉。授接胙官。贊引官奏叩興。

上行三叩頭禮。興。王以下各官不隨叩次行謝福胙禮。贊引官

奏跪。叩興。樂復作。

上行三跪九叩頭禮。王以下各官及分獻官俱隨行

禮畢。樂止。典儀唱捧祝帛。送至燎爐。捧祝帛官。詣各

神位前。一跪三叩頭。捧起祝帛。贊引官導

上。轉立東旁西向。王以下各官兩旁排立。候祝帛捧

過。贊引官導

上復位立。王以下各官亦至原位立。祝帛焚半。贊引

官奏禮畢。協律郎舉麾作樂。

上出

太廟門。陞輦作樂。

午門鳴鐘。門外各官排立候過。

上還宮。各退

一祭畢。捧

神位大臣。各於

神位前一跪三叩頭。捧請

神牌。送至

後殿。照常奉安。一跪三叩頭退。

按順治三年定。樂皆作於門上。八年

改奏於殿內。文舞武舞全設

○十六年覆准。每歲四孟行時

享禮。歲除行禘祭禮

儀注另載

康熙九年題准

一每年四孟月。禮部前期題請。

皇上親詣行禮。或遣官恭代。

後殿遣官一員行禮。兩廡遣官二員分獻。今由太常寺

一前期四日。禮部太常寺題請。進齋戒牌銅人

今由太常寺

一前期三日。禮部太常寺官。進齋戒牌銅人如

常儀。今由太常寺

皇上致齋三日。是日。各衙門俱設齋戒牌

一前期二日。禮部繕寫祝文。送內閣。恭填

御名。今由太常寺

一前期二日。禮部太常寺官。至犧牲所省牲。由今

太常寺

一前期二日。禮部題請祝文。併派讀祝官。由今

太常寺

一前期一日。禮部太常寺官。捧祝版。至

中和殿。於黃案上安設。後殿祝文在左。前殿祝文在右。奏請

皇上陞殿。視祝文畢。捧祝版。送至

太廟神庫內黃案上安設。上香跪叩如常儀。詳載通例

一前期一日。禮部都察院太常寺光祿寺官。上

香。監宰牲。并瘞毛血

一正祭日早。捧

神位覺羅官。詣

後殿各

神位前。一跪三叩頭。恭請

四祖神牌。

四皇后神牌。依次捧至寶座上。正設南向。一跪三叩頭

退

一正祭日早。捧

神位侍衛。詣

中殿各

神位前。一跪三叩頭。恭請

太祖神牌。

高皇后神牌。捧至

前殿。於正中寶座上安設南向。

太宗神牌。

文皇后神牌。於東寶座上安設西向。

世祖神牌。

章皇后神牌。於西寶座上安設東向。各一跪三叩頭退

一正祭日早。太常寺官二員。至

神庫內祝文案前。一跪三叩頭。

後殿祝文在前

前殿祝文在後。捧送各殿內。於祝文案上安設。一  
跪三叩頭退。

一各殿

正位每案陳設

奉先制帛一 白色

金爵二 白磁爵四

牛一 羊一

豕一 登二

釧二 簋二

簋二

籩十二 豆十二

酒尊二 金匙金筋各二副

一東廡配位每案陳設 不請神牌  
止開龕帳

展親制帛一 白色

白磁爵六

牛一 羊一

豕一 釧二

簋二 簋二

籩十 豆十

共酒尊二

一西廡配位每案陳設不請神牌止開龕帳

報功制帛一白色

白磁爵三

羊一

豕一

鉶一

簠二

簋二

籩四

豆四

共酒尊二

一捧位獻爵官遇

上親祭。

前殿。用侍衛。如遣官恭代。用太常寺官。兩廡配位。

用樂舞生。

後殿。用覺羅官

一正祭日早。陪祀各官。俱於戟門內階下序立。

後殿承祭官一員。兩廡分獻官二員。於甃城門外

序立。陪祀王以下。入八分公以上。俱於

午門內金水橋旁齊集。候

駕出隨行。不陪祀王以下各官。於

午門外齊集。候

駕出跪送。

上出宮乘輦。鹵簿儀仗大駕全設。不作樂。  
午門鳴鐘。

上入街門東旁門。太常寺贊引官一員。對引官一員。  
於甃城門外迎接。

上至鋪棕薦處降輦。贊引官對引官。導

上入甃城東旁門。進戟門內更衣幄次盥手畢。導  
上陞東階。進

前殿東旁門。正中北向立。鴻臚寺官。引王以下公  
以上。由戟門東西門入。至左右臺階上。兩旁序  
立。贊引官引分獻官。入戟門西旁門。至臺階下

甬路兩旁立。陪祀各官。在分獻官後序立。典儀

唱樂舞生就位。執事官各司其事。武舞生執贊

引官奏就位。

上詣拜位立。典儀唱迎神。協律郎唱舉迎神樂。奏開  
平之章。樂作。贊引官奏跪。叩。興。

上行三跪九叩頭禮。興。王以下各官分獻官俱隨行  
禮。樂止。典儀唱奠帛。行初獻禮。協律郎唱舉初  
獻樂。奏壽平之章。樂作。東旁獻帛官二員。獻爵  
官三員。西旁捧帛官一員。捧爵官三員。依次進

太祖位前。

高皇后位前。

太宗位前。

文皇后位前。

世祖位前。

章皇后位前。獻帛官跪獻。三叩頭。獻爵官立獻。各退。其

兩廡分獻官。贊引官引至各位前立。樂舞生捧

帛爵分獻畢。樂止。讀祝官就祝文案前。一跪三

叩頭。捧祝文立於祝案左。贊引官奏跪。

上跪。王以下各官分獻官讀祝官俱跪。贊引官贊讀

祝。讀祝官讀畢。捧祝文跪安。

正位前帛匣上。三叩頭退。樂作。贊引官奏叩興。

上行三叩頭禮。興。王以下各官分獻官俱隨行禮。樂

止。

武舞生引退

典儀唱行亞獻禮。協律郎唱舉亞獻

樂。奏嘉平之章。樂作。

文舞生執羽籥引進

獻爵官如初獻

禮。於各案左獻畢。退。分獻官亦至各位前立。樂

舞生捧爵獻畢。退。樂止。典儀唱行終獻禮。協律

郎唱舉終獻樂。奏雍平之章。樂作。獻爵官如亞

獻儀。於各案右獻畢。退。分獻官亦至各位前立。

樂舞生捧爵獻畢。退。導引官引分獻官仍至甬

路兩旁立。樂止。

文舞生引退

太常寺官東立西向。唱



賜福胙。樂作。光祿寺官二員。捧福胙。向

正位前拱舉。跪於

上右。接福胙。侍衛二員。跪於

上左。贊引官奏跪。

上跪。奏飲福酒。

上受爵拱舉。授左旁侍衛。奏受胙。

上受胙拱舉。授左旁侍衛。各退。贊引官奏叩興。

上行三叩頭禮。興。

王以下各官不隨叩

次行謝福胙禮。贊引官

奏跪。叩興。

上行三跪九叩頭禮。興。王以下各官分獻官俱隨行

禮。樂止。典儀唱徹饌。協律郎唱舉徹饌樂。奏熙

平之章。樂作。徹畢。樂止。太常寺官於

正位前東旁。向上跪。奏禮畢。請還宮。三叩頭退。協律

郎唱舉還宮樂。奏成平之章。樂作。贊引官奏跪。

叩興。

上行三跪九叩頭禮。興。王以下各官分獻官俱隨行

禮畢。樂止。典儀唱捧祝帛恭詣燎位。捧祝官捧

帛官。至各

位前。一跪三叩頭。捧起祝帛。贊引官導

上轉立拜位東。王以下各官兩旁排立。祝帛依次捧

過。贊引官導

上復位立。王以下各官亦復位立。樂作。祝帛焚半。贊引官奏禮畢。導

上由東戟門出。至甃城門外。陞輦還宮。作樂。奏禧平之章。王以下公以上。隨

駕後行。至

午門外。不陪祀。王以下各官排列跪迎。

午門鳴鐘。王以下公以上。隨至金水橋排立。候上入宮。王以下各官俱退。

一

後殿承祭官。俟

上入

太廟街門。太常寺官引自甃城戟門西旁門入。至

後殿西旁門。贊引官一員。對引官一員。引承祭官至臺階上殿外。正中北向立。典儀唱執事官各司其事。贊引官贊就位。承祭官就拜位立。贊引官贊跪叩。興。承祭官行三跪九叩頭禮。興。典儀唱奠帛。行初獻禮。東旁獻帛官三員。獻爵官五員。西旁獻帛官一員。獻爵官三員。依次進

原皇帝位前。

會典卷五十九  
原皇后位前。

直皇帝位前。

直皇后位前。

宣皇帝位前。

宣皇后位前。

翼皇帝位前。

翼皇后位前。奠帛官跪獻三叩頭。獻爵官立獻。各退。讀

祝官至案前。一跪三叩頭。捧起祝文。就

正位前立。贊引官贊跪。承祭官讀祝。官皆跪。典儀唱

讀祝。讀祝官讀畢。捧起跪安。

正位前帛匣上。三叩頭退。贊引官贊叩興。承祭官行

三叩頭禮。典儀唱行亞獻禮。獻爵官於各案

左獻畢退。典儀唱行終獻禮。獻爵官於各案右

獻畢退。贊引官贊跪。叩興。承祭官行三跪九叩

頭禮。典儀唱捧祝帛。各詣燎位。讀祝官獻帛

官各至

位前。一跪三叩頭。捧起祝帛。承祭官轉至西邊東向

立。各官捧祝在前。帛在後。依次送燎位。承祭官

復位立。俟祝帛焚半。贊引官贊禮畢。引承祭官

下西階。出西旁門。捧位官至各

位前。一跪三叩頭。捧請

神牌。送至各座上奉安畢。一跪三叩頭。退

一祭畢。

上出

太廟街門。捧

神位官。至各位前。一跪三叩頭。捧起

神牌。送至

中殿。於各

寶位上奉安畢。一跪三叩頭。退

一太常寺官。俟

上詣

太廟時。至

乾清門。捧齋戒牌銅人。送太常寺收貯。如常儀

一遣官恭代致祭。在

太廟臺階上行禮。太常寺官獻爵。無飲福受胙禮。餘儀

並同

後殿祝文

維康熙 年 月 日

孝孫嗣皇帝 謹遣 敢昭告於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后曰。時屆孟

春秋

謹以牲帛醴齊。粢盛庶品。用展追

思。伏惟尙

饗

前殿祝文

維康熙

年歲次

月

日

孝孫嗣皇帝

敢昭告于

太祖承天廣運聖德神功肇紀立極仁孝睿武弘文定

業高皇帝

孝慈昭憲敬順慶顯承天輔聖高皇后

太宗應天興國弘德彰武寬溫仁聖睿孝隆道顯功文

皇帝

孝端正敬仁懿莊敏輔天協聖文皇后

孝莊仁宣誠憲端懿翊天啓聖文皇后

世祖體天隆運英睿欽文大德弘功至仁純孝章皇帝

孝康慈和莊懿恭惠崇天育聖章皇后曰時屆孟

春 謹

以牲帛醴齊。粢盛庶品。用展追思。伏惟尚

饗

一樂章

迎神樂奏開平之章

皇輿啓圖

世德欽崇

粵庇眇躬

率土攸同

九州維宅

爰止自東

大室既尊

萬國朝宗

翼翼孝孫

對越肅雝

維神格思

皇靈顯融

初獻樂奏壽平之章

於皇祖考

克配上天

越文武功

四方維宣

孝孫受命

達志承前

永錫純祐

億萬斯年

亞獻樂奏嘉平之章

悲祀精忱

洋洋如生

有融昭明

陟降於庭

儼然有容

愀然有聲

孝孫虔只

顒若中情

終獻樂奏雍平之章

越祖宗之德

肇茲天曆

敢曰予小子

享有成績

欲報之德

昊天罔極

愍懃三獻 我心悅懌

徹饌樂奏熙平之章

儀肅樂成 神燕以娛 告成于祖

亦右皇妣 敬徹不遲 用終祀禮

介福綏祿 永錫祚祉

還宮樂奏成平之章

盈溢肅雝 神運無迹 寢祐靜淵

恍兮安適 惟靈在天 惟主在室

於斯萬年 孝思無斁

皇帝

廟祀還宮導迎樂作奏禧平之章

於

皇紹烈。累熙重光。銷鑠羣慝。我武奮揚。肅肅

清廟。峩峩奉璋。奠鬯斯馨。祚命無疆

慶成燈

順治十年題准。凡遇元宵節。自正月初七日起。至十七日止。

太廟懸張慶成燈。令工部預期辦造

廟街門中門一對。左右門各一椀

甌城中門一對。左右門各一椀

戟門中門一對。左右門各一椀

前殿中門一對。左右門各一椀

中殿中門一對。左右門各一椀

後殿中門一對。左右門各一椀

東廡西廡各一椀

**禘祭**

順治十六年覆准。每年歲暮日。

大建于二十九日。小建于二十八日。奉

四祖

太祖

太宗俱于

太廟前殿行禘祭禮。

四祖

太祖序列南向。

太宗東列西向。前期一日。遣官祭告

四祖

覺羅官  
獻爵

又遣官祭告

太祖

太宗

太常寺  
官獻爵

其致齋視牲。請視祝文等儀。俱與時享同

一祭前一日。工部移請各

寶座。至

前殿安設



會典卷五十九  
三十一  
康熙九年題准。歲暮日。

皇上親詣行禮。預遣官捧請

後殿

中殿各

神牌。安設于

前殿寶座。

原皇帝

原皇后正中南向。

直皇帝

直皇后左二位南向。

翼皇帝

翼皇后右二位南向。

宣皇帝

宣皇后左三位南向。

太祖高皇帝

高皇后右三位南向。

太宗文皇帝

文皇后東旁西向。

世祖章皇帝

章皇后西旁東向。其供獻行禮。與四孟時享同。惟祝文

樂章與四孟不同

一遣官致祭。太常寺官捧請各

神牌安設。承祭官于殿外丹陛上行禮。無飲福受胙。送

祝帛時。退至西邊立

一祭畢。捧

神位官各詣

神位前。一跪三叩頭。捧請至

後殿

中殿安設。一跪三叩頭。出

前期告祭

中殿祝文

維康熙

年歲次

月

日

孝孫嗣皇帝

敢昭告于

太祖承天廣運聖德神功肇紀立極仁孝睿武弘文定

業高皇帝

孝慈昭憲敬順慶顯承天輔聖高皇后

太宗應天興國弘德彰武寬溫仁聖睿孝隆道顯功文

皇帝

孝端正敬仁懿莊敏輔天協聖文皇后

孝莊仁宣誠憲端懿翊天啓聖文皇后

世祖體天隆運英睿欽文大德弘功至仁純孝章皇帝  
孝康慈和莊懿恭惠崇天育聖章皇后曰。茲者歲暮。特  
修禘祭之禮。恭迎

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后同格享祀。伏惟

鑒知。謹告

前期告祭

後殿祝文

維康熙

年歲次

月

日

孝孫嗣皇帝

謹遣

敢昭告于

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后曰。茲者歲暮。特修祫祭之禮于

太廟。恭迎同格享祀。伏惟

鑒知。謹告

祫祭祝文

維康熙

年歲次

月

日

孝孫嗣皇帝

敢昭告于

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后

太祖承天廣運聖德神功肇紀立極仁孝睿武弘文定

業高皇帝

孝慈昭憲敬順慶顯承天輔聖高皇后

會典卷五十九  
太宗應天興國弘德彰武寬溫仁聖睿孝隆道顯功文  
皇帝

孝端正敬仁懿莊敏輔天協聖文皇后

孝莊仁宣誠憲端懿翊天啓聖文皇后

世祖體天隆運英睿欽文大德弘功至仁純孝章皇帝

孝康慈和莊懿恭惠崇天育聖章皇后曰。氣序以週。歲

事告成。謹以牲帛醴齊。粢盛庶品。特修大禘禮

於

太廟。用申追感之情。伏惟尙

饗

樂章

迎神樂奏貞平之章

承眷命兮撫萬邦

嗣丕基兮祖德昌

溯謨烈兮弗敢忘

虔歲祀兮舉舊章

瀝悃誠兮迓休光

祈來格兮意徬徨

奠帛初獻樂奏壽平之章

紛葳蕤兮神畢臨

儼對越兮抒素忱

陳織縞兮有壬林

酌醇醑兮薦德馨

恪溥將兮俶來歆

錫嘉祉兮祐斯民

亞獻樂奏嘉平之章

維肇祥兮德配天

垂燕翼兮祚萬年

潔豆籩兮秩斯筵

載陳醴兮介牲牲

協笙鏞兮遶雲輶

肅駿奔兮中彌虔

終獻樂奏雍平之章

椒飴芬兮神留俞

節三奏兮旨清醑

萬羽千兮樂孔都

禮明備兮罔敢渝

既醉止兮咸樂胥

永啓佑兮披皇圖

徹饌樂奏熙平之章

典儀敘兮神格思

尊俎將兮享靡遺

悅且康兮徹弗遲

鑒精禋兮第祿綏

還宮樂奏清平之章

孝思展兮禮告成

神言歸兮陟在庭

萃龍馭兮返穆清

主肅將兮式丹楹

瞻列聖兮優容聲


迴靈眄兮佑丕承

維神聽兮和且平

繼序皇兮亶休徵

大清會典卷之五十九

太廟總圖



會典卷五十九


禮部








東廡宗室功王各位時享陳設圖



會典卷五十九

三十一

等











太廟祫祭圖




會典卷五十九

三五






太廟前殿拾祭陳設圖  
各廟陳設同



籩黍

鹽鉶



餅白

稷

魚鱠

菱

餅黑

棗




芡

餌糗


栗

脯鹿

糍粉




東廡宗室功王各位祿祭陳設圖




會典卷五十九

三七





西廡功臣各位祿祭陳設圖




會典卷五十九

三





太廟中殿告祭圖






會典卷五十九

三十九




太廟中殿告祭陳設圖



會典卷五十九

四



世祖


案祝

禮部  
同香  
御

祭


祭

太廟後殿告祭圖




會典卷五十九

四十一





太廟後殿告祭陳設圖






會典卷五十九

四三







會典卷五十九



聖



Handwritten mark in blue ink, possibly a signature or seal, located at the top center of the left page.

Small handwritten mark or signature at the top center, spanning the gutter between the two pages.

Handwritten mark in brown ink, possibly a signature or seal, located at the top center of the right page.

